

# EPISTOLA MARTINI DE SWAEN THEOLOGI LOVANIENSIS

A D

R. P. ISAACUM DE BRUYN

Societatis JESU S. Th. Professore.



REVERENDE ADMODUM PATER,

**B**enedictus Deus, quo adjuvante tam orthodoxè, dilucidèque sententiam meam de Gratia, & libero arbitrio publicis in scriptis exponere mihi licuit, ut ea à primariis tum Cleri, tum Religiosorum Ordinum viris, sive in, sive extrà hanc Academiam, tamquam genuina SS. Augustini & Thomæ doctrina commendari, à nemine hæcenus gratiæ per se efficacis defensore vel leviter impugnari; denique & à K. V. non nisi solo hoc titulo arrodi meruerit, quod existimes alia me interius sentire, quam publicis in scriptis coram orbe universo professus sum.

Placuit nihilominus Tibi, R. P. tum in nuperis tuis Thesis, tum in eorundem publicâ defensione, me quidem uti hæreticum per te vel per Discipulum tuum proclamare, & hanc Orthodoxam doctrinam meam de hæresi suspectam reddere.

Adsumt mihi instrumenta fide dignissima, quibus evincam, iniquissimam hanc calumniam mihi in Disputatione tuâ nuperâ de 24. Novemb. 1692. impactam fuisse.

Quâ id à te conscientia factum sit, R. P. tu videris, quo autem fieri id à te juro potuerit, dispiciant judices nostri. Mihi suffecerit rationes, quibus inductus id fecisti, quam potero brevissimè, hæc refellere.

## §. 1.

*Rationes ob quas R. P. & me, & doctrinam meam de hæresi suspectos habes.*

**B**inas, cur id tibi licitum putas, rationes in Thesis tuis assignas.

Alteram, quod juxta te Reverentiam non præstem ergà Constitutiones Apostolicas, quam promitto.

Alteram, quod Propositiones quinque ab Innoc. X. & Alex. VII. damnatas, non damnem juxta SS. Pontificum Constitutiones.

Atrox planè accusatio! En tibi in §§. sequentibus ejusdem refutationem.

## §. 2.

*Quam ergà Constitutiones Innoc. X. & Alex. VII. promittam Reverentiam?*

**R**esp. eandem planè, quam Episcopi 4. tempore Clementis IX. promissere, quam idem SS. Pontifex post examen trium hebdomadarum coacto eum in finem frequen-

quentissimo Cardinalium, Prælatorum, aliorumque Consultorum cætu solemniter approbavit, & ob quam non solum Episcopos ut genuinos Ecclesiæ filios, & Orthodoxos Antistites, sed ipsos insuper testatus est præstitisse & sibi, & Apostolicis Constitutionibus veram & totalem obedientiam, ac proinde ob quam non malis sed bonis debitoribus ipsos, & in ipsis omnes, eadem cum ipsis sentientes assimilavit.

§. 3.

*An promissam hanc Reverentiam ritè præstem?*

**A** Io ego, mi Pater, tu negas; sed non aliâ id tu ratione negas, præter eam, quam à tribus annis tam efficaciter refutavi, ut nihil hæcenus responsi à te retulerim.

Est autem hæc, quod nempe aliquandò sustinuerim, dici probabiliter posse, quod à *Semipelagianis* saltem aliqui *admisserint prævenientis interioris gratiæ necessitatem ad singulos actus*, etiam ad initium fidei, id quod tu sustineri posse non putas, nisi violenter Reverentia ergà Constitutiones Apostolicas Innoc. X. & Alex. VII. circà propositionem quartam, quæ ità habet.

*Semipelagiani admitterent prævenientis gratiæ interioris necessitatem ad singulos actus etiam ad initium fidei, & in hoc erant hæretici, quod vellent eam gratiam talem esse, cui posset humana voluntas resistere vel obtemperare, falsam & hæreticam declaramus & uti talem damnamus.*

Verum, quod cum hac SS. Pontificum Censurâ componi possit, quod *aliqui saltem ex Semipelagianis admisserint prævenientis gratiæ interioris necessitatem*, &c. duplici hac potissimum ratione probari queat.

Prima est, quod cum propositio damnata sit copulativa, sufficiat ad hoc, ut sit falsa & hæretica, quod una ejus pars verè talis sit, licet altera vel verà sit, vel saltem certò non sit falsa.

Cum igitur pars posterioris propositionis damnatæ certò & falsa sit & hæretica, hæc scilicet, quod *Semipelagiani in hoc erant hæretici, quod vellent eam gratiam talem esse, cui posset humana voluntas resistere vel obtemperare*, subsisteret quam optimè SS. PP. Censura, etiam si prior pars propositionis foret vera; hæc nempe *Semipelagiani admitterent prævenientis gratiæ interioris necessitatem*, &c.

Cum igitur certo non constet, vel SS. Pontifices voluisse priorem propositionis partem falsam declarare, vel illam in se talem esse, sequitur manifestè, citra omnem irreverentiam ergà Constitutiones SS. PP. sustineri posse, quod aliqui saltem ex *Semipelagianis* admisserint prævenientis gratiæ interioris necessitatem, &c.

Ratio secunda hæc est, quod licet utraque propositionis istius pars foret falsa, adhuc subsisteret, quod à *Semipelagianis* aliqui *admisserint, etiam ad initium fidei prævenientis gratiæ interioris necessitatem*, nam eo non obstante adhuc damnata merito ea foret propositio tamquam falsa, utpote quæ indefinè, adeoque universaliter asserit *Semipelagianos* admisisse prævenientis gratiæ interioris necessitatem ad singulos actus etiam ad initium fidei.

Ex quibus, aliisque pluribus, de quibus in Thesibus meis in Octobri 1689. defensis, liquet, nihil me adversus promissam erga constitutiones Apostolicas reverentiam egisse, dum sustinui, dici probabiliter posse, quod *aliqui saltem à Semipelagianis admisserint prævenientis gratiæ interioris necessitatem etiam ad initium fidei*.

Id sanè mecum censère PP. Salmanticenses, Contenforius, Gonetus, Franciscus Macedo, eorumque Approbatores & Superiores, qui eandem hanc mecum sententiam propugnârunt, vel ut minus illam propugnantibus consenserunt.

An & de his omnibus & singulis, quod de me forsitan tu dixeris: videlicet, quod Reverentiam ergâ Constitutiones SS. PP. quam promittunt, non præstent? Haud puto.

Faciè igitur, R. P. temerè me à R. V. postulatum esse de violatis SS. PP. Constitutionibus, siquidem nihil, præter hanc à tribus annis efficacissimè refutatam rationem tuam in accusationis tuæ probationem hæcenus prouulisti.

Faciè 2. infundatissimè quoque doctrinam meam dilucidè, sincerèque à me expressam, quin & meipsum, tamquam suspectâ fidei ob prædictam rationem tum in Thesibus tuis de 24. Octobris, tum in publicis Disputationibus tuis exagitâs fuisse.

Sed nunc ad alteram rationem tuam, ob quam & ego & doctrina mea suspecti tibi visi sumus, transeamus.

Est autem hæc; quod nempe quinque propositiones ab Innoc. X. & Alex. VII. damnatas, non damnem juxta SS. PP. Constitutiones.

#### §. 4.

*Verum-ne sit, quod habes hac secunda R. P. ratio?*

**R**esp. Minimè. Conficio id irrefragabiliter sequenti hoc ratiocinio:

Quilibet damnat quinque propositiones ab Innoc. X. & Alex. VII. damnatas, eodem planè modo, ac sensu, quo illas damnarunt Episcopi 4. tempore Clementis IX. damnat illas juxta SS. PP. Constitutiones:

Arqui ego propositiones illas damno eodem modo ac sensu, quo illas damnarunt præfati Episcopi.

Ergo propositiones illas damno juxta SS. PP. Constitutiones.

Mâjor argumenti patet, quia numquam testatus fuisset Clemens IX. Episcopos illos præstitisse sibi VERAM AC TOTALEM obedientiam, si non damnaissent propositiones illas juxta SS. PP. Constitutiones.

Minor patet, tum ex Epistolæ meæ secundæ Illust. Archiepiscopo Sebasteno in scriptæ §. 23. & ex dissertationis nuperæ cap. 3. §. 26. Qui ergo damnatus propositiones memoratas? Resp. ad jus quidem quod atinet damnatus propositiones illas, *omni sinceritate, sine exceptione, aut restrictione qualicunque* (verba sunt actæ 4. Episcoporum) *in omnibus sensibus, in quibus eas Ecclesia condemnavit.*

*Quod vero spectat ad attributionem* (loquor rursus cum isdem) *quâ propositiones illæ ascribuntur libro Iansenii, præstamus S. Sedi Reverentiam omnem, & obedientiam, quæ illi debetur circâ libros condemnatos juxta sensum præcipuorum Auctoritatis S. Sedis defensorum, quales fuere Cardinales Baronius, Bellarminus &c. atque hæc ratione obstrictos nos putamus nihil dicere, scribere, aut docere contrarium illi, quæ hæc in re per Pontifices decisa sunt.*

Hanc igitur ergâ Constitutiones Apostolicas reverentiam, cum in præfatis Episcopis approbâre SS. Pontifex, atque adeò censuerit per illam præstari posse VERAM, ac TOTALEM S. Sedi obedientiam, ultro concidit, quidquid adversus sinceritatem fidei meæ in art. 3. Resp. tuæ concessisti.

Cæterum, quod asseris in art. 4. videlicet, quod Pontifices toti orbi Catholico FIDE

DIVINA credendum esse declarant 5. Iansenii dogmata, eo quo traduntur in libro, cui titulus Augusti Iansen. sensu esse hæreticas, atque adeo sub pœna hærescos id à me, aut quovis alio negari non posse.

En tibi responsi loco hæc pauca.

1. Me hætenus nunquam negasse, quod sensus à PP. damnatus in dicto libro contineatur.

2. Hanc fidem ab Episcopis præfatis Clementem IX. non exegisse.

3. Istiusmodi fidem nec habuisse, nec professam esse Societatem tuam, dum tempore Pauli V. Summo illi Pontifici in libello suo supplici, oblato 1. Augusti 1605. omnimodis persuadere conabatur; tamquam articulum fidei definiri non posse, quod dogma de gratiâ perse effitaci à SS. Aug & Thoma traditum fuerit. extat libellus ille in Miscellaneis R. P. Lemos.

Ratio illorum hæc erat, quod similis definitio non circâ quæstionem Juris, sed FACTI ( uti tum Societas loquebatur ) duntaxat versaretur.

4. Similem fidem non habuisse plures alios ejusdem Societatis Theologos, Sirmundum, Petavium, &c. dum non obstantibus Conciliorum quantumvis generalium Decretis, quibus Scripta Honorii v. g. aut Theodoreti tamquam Apostolicis dogmatibus contraria declararunt, eadem nihilominus ab omni errore immunia esse probandum sibi sumpserunt.

Denique hanc tuam assertionem minimè probasset Harduinus Perefizius Parisiensis Archiepiscopus, dum in suo de subscriptione formularis decreto ita loquitur, verbis Gallicis latine donatis.

*Certum est, neque ex Constitutionibus, neque ex formulari posse quempiam, NISI MALITIOSUS SIT, VEL IGNARUS, ansam sumere dicendi, quod postulent submissionem fidei divina, quantum attinet ad factum; cum exigant tantum quoad hoc FIDEM HUMANAM & Ecclesiasticam, quæ jubet judicium suum sincere judicio superiorum submittere.*

Hic tamen ipsissimus ille Perefizius est, qui tanto zelo formulare Gallicanum relatus est, qui tantis laudibus à PP. Societatis commendatus est, qui tantum Consilii Patris vestri Annati deferre consuevit.

Hæc meditare paulò attentius R. P., & spero fore, ut tandem aliquando & me Doctoribus, & doctrinam meam dogmatibus Orthodoxis securius posthac accenseas.

Patere interim, Reverende Pater, ut obiter aliquid regeram ad tria alia puncta, quæ dissertationi meæ nuperæ in thesibus tuis de 24. Novembris 1692. opposita voluisti.

## §. 5.

*Proponuntur tria reliqua, quæ dissertationi meæ opposuit R.P. sunt autem sequentia.*

**P**rimum, quod scopum, quem mihi in dissertatione meâ præfixeram, non attigerim.

Secundum, quod invidiosa quædam congesserim, non tam ad propositum meum facientis, quam ad dissidia inter PP. Societatis & PP. Prædicatores seminanda.

Tertium, quod non respondeam ad ea, in quibus controversiæ, inter ipsum R.P. & me aliquot ab annis motæ, cardo vertebatur.

Pauca dicamus ad singula,

§. 6.

*Verè-nè dixeris R. P. quod scopum mihi in Dissertatione meâ præfixum,  
non attigerim.*

**R** Esp. Nequaquam. Patebit hoc perpendenti hinc scopum mihi præfixum, illinc ea, quæ ad illum attingendum dicta à me fuère.

Scopus ille multiplex est, & primus quidem, me, aliosque DD. Orthodoxos eximere à notâ seu suspitione damnatorum ab Innoc. X. & Alex. VII. dogmatum in materiâ de gratiâ & libero arbitrio.

Ut scopum hunc obtinerem tria censui necessaria vel saltem admodum utilia.

1. Ostendere, quod nihil doceam circâ articulos ab Innoc. X. & Alex. VII. proscriptos, quod in Scholis Orthodoxis, Lovanienti v.g. & Thomisticâ orthodoxè non doceatur.

Præstiti hoc in §. 19. cap. 2. Dissertationis meæ remittendo lectorem ad Epistolas primam & secundam Illust. Archiepiscopo à me inscriptas, in quibus doctrinam meam tam dilucidè, Orthodoxèque exposui, ut non tantum à primariis rum Cleri, rum Religiosorum Ordinum viris, sed & à nonnullis eorundem Reverendissimis Magistris, tamquam genuina SS. Aug. & Thomæ (uti ex fide dignâ relatione mihi constat) meruerit laudari.

Alterum quod hunc in scopum si non planè necessarium, utile tamen admodum censui, est, ut ostenderem me non fucatè, sed omni sinceritate in prædictis articulis rejicere, quicquid in illis Scholæ Catholicæ v.g. Thomistica rejiciunt.

Id præstiti adeo rursus efficaciter in §. 18 ejusdem capituli, reprobando in decem sensibus, quos PP. Societatis, aliive Jansenio tribuunt, & in ipso à Pontificibus damnatos prætendunt; ut ne vel verbulo ea quæ isthic à me dicta sunt, oppugnare tentâris.

Superest tertium, quod obtinendo proposito mihi scopo judicavi accommodum, hoc videlicet, ut ostenderem, debitam me præstare, & hucusque præstitisse Constitutionibus Innoc. X. & Alex. VII. observantiam;

Hunc in finem (ut reliqua præteream) declaravi in §. 26. eandem me iisdem deferre reverentiam, quam iisdem deulère Episcopi 4. de quibus suprâ.

Caillis, quibus sinceram hanc meam declarationem arroderi tibi placuit R. P. præfens Epistola, si pacem & veritatem quæris, abundè faciet satis.

§. 7.

*Scopus secundus Dissertationis.*

**I** S ille est; videlicet ostendere, quod nullâ veri specie asseri queat, doctrinæ de gratiâ per se efficaci per Constitutiones Innoc. X. & Alex. VII. quidpiam fuisse detractum.

Eviçi hoc triplici potissimum ratione.

1. Erat, ostendendo quod ipsimet SS. PP. præfati declararunt post condemnationem famosorum V. articulorum nullatenus se per suas respectivè Constitutiones damnasse gratiam per se efficacem.

Legisti hæc procudubio, mi Pater; sed unâ tam irrefragabiliter demonstrata, ut malueris nihil omninò, quam infundati aliquid dictis meis opponere.

Ratio secunda in hoc sita erat ; quod ex comparatione doctrinæ Orthodoxæ cum propositionibus condemnatis pateret ad oculos nihil doctrinæ illi cum propositionibus istis esse commune.

Comparationem hanc rursus institui adeò genuinam , ut nullus eam hæcenus ( quod saltem rescii ) vel è Scholâ Lovaniensî , vel Augustinianâ , Dominicanâ , Carmelitanâ Discalceatâ &c. eam reprobarer.

Tu solus inventus es Magister in Israël , Mi Pater , qui pro omni dictorum meorum refutatione , hanc exclamationem regereres : *Magnus mihi Apollo fueris vir Eximie ! si solidè negaveris similes loquendi modos in Augustino Iprensi non reperiri.*

Quam vana diverticula ! lanè , quos habeat loquendi modos parum vel nihil meâ interest ; dummodò nec tu , nec quispiam alius ostendere queat ( quod unice in §. 2. cap. 1. contendi , doctrinam nempe Orthodoxam , ibidem à me expositam , vel in proprio , litteralique sensu , vel prout in Scholis Orthodoxis passim traditur , in Constitutionibus SS. PP. damnatam esse.

A ididi dicto in loco , tu proprio , litteralique sensu , ne forsan tu , vel quispiam è focus tuis diceret confictum aliquem sentum me sub illis velle occulere. Nec vanum omnîdò hoc meum vaticinium ; patet ex art. tuo 3.

Denique tertia mea ratio hæc fuit , quod verisimile nequaquam sit , plurimas tum Cleri , tum Regularium Ordinum sive Academiis , sive Scholis , dogma de gratiâ per se efficaci esse amplexuras , si vel per suspicionem subodorarentur constitutiones sæpe memoratas dogmati isti adversari.

Et hanc quoque rationem , Mi Pater , pisce murior transisti.

Quidni igitur securè hic iterum concludam , hunc rursus Dissertationis meæ scopum ( iudice silentio tuo ) feliciter me attigisse ?

## §. 8.

### *Scopus tertius Dissertationis.*

**S**Copus iste his verbis expressus erat : non defuisse , tum apud Acatolicos , tum apud Catholicos , qui ex Constitutionibus illis ( præter mentem scilicet SS. PP. intellectis ) intulerint , doctrinam illam ( de gratiâ per se efficaci ) ab Ecclesiâ Rom. damnatam esse.

Et hunc quoque scopum feliciter me attigisse inficias non ieris , R. P. siquidem in §. 3. cap. 3. ostendi Acatolicos nonnullos , v. g. Petrum Jurium Ministrum Roterodamensem palam sustinuisse , in Ecclesiâ Rom. doctrinam de gratiâ S. Pauli & Aug. per Constitutiones Innoc. X. & Alex VII. damnatam esse.

Ostendi similiter ejusdem cap. §. 4. Catholicos quosdam v. g. Patres Du Bois & FARRI ab eo non abhorruisse , ut traderent dogma de gratiâ per se efficaci in Ecclesiâ Rom. damnatum esse ; primus namque docuit gratiam per se efficacem , etiam prout illa in Scholis Thomistarum traditur , in Jansenio damnatam esse.

Posterior verò , eandem esse asseruit gratiam prædeterminantium ( Thomistarum utique ) Jansenii & Calvinii.

Cum igitur , R. P. , ne verbum hunc rursus opposueris , & hinc denuò concludam frustra te insinuare in art. tuo 3. quod scopum mihi præfixum , non attigerim.

Ad quartum itaque ejusdem dissertationis scopum procedamus.

**I**S ille erat; ostendere, quid mali ex illorum sententiâ, qui ex Constitutionibus prædictis, præter mentem SS. PP. intellectis, inferunt, dogma gratiæ per se efficacis damnatum esse, natum sit in Ecclesiam derivari.

Mala illa ad numerum senarium redegi in cap. 4. Dissert. sunt autem sequentia.

1. Diminutio Autoritatis SS. Augustini & Thomæ 2. Confirmatio Acatolico-  
rum calumniantium, Ecclesiam Romanam damnasse doctrinam S. Augustini, &  
quod pejus est, S. Pauli. 3. Obstaculum conversionis pretensæ-Reformatorum  
4. Criminationes injuriolæ, & persecutiones adversus gratiæ per se efficacis defen-  
sores, illos etiam, qui Iansenio minimè favent. 5. Turbæ frequentes variis in Ec-  
clesiæ successu temporis ciendæ. 6. Indignatio S. Sedis.

Jam vero mala hæc omnia, & singula ex sententiâ illorum, qui gratiam per se  
efficacem damnatam volunt ab Innoc. X. & Alex. VII., nata esse in Ecclesiam de-  
rivari, tam dilucidè demonstravi in 6. §§. Dissertationis, ut hîc quoque silentio  
tuo fatearis apprimè me scopum mihi præfixum attingisse.

Supereft igitur ut & paucula circâ scopum primum differamus.

## §. 10.

## Scopus primus Dissertationis.

**B**Imembris est hic scopus; duo namque probanda pollicetur.

Alerum, doctrinam Orthodoxam de gratia per se efficaci sub triplici potissimum  
larvâ, *Manichæismi* scilicet, *Calvinismi*, & *Iansenismi* non semel fuisse oppugnatam.

Alerum, eandem nihilominus in hunc usque diem stetisse inexpugnabilem.

Et prius quidem membrum in tribus §§. cap. 1.

Siquidem in §. 1. ostendi, quod gratia per se efficax tempore Aug. oppugnata fuerit  
à Pelagianis contendentibus *inter gratia vocabulum absconditum esse fatale decretum.*

In §. 2. egi de PP. Societatis, qui tum circa annum 1586. tum in initio hujus  
sæculi doctrinam de gratiâ per se efficaci b larva Calvinismi fortiter oppugnârunt.

Addidi plures alios in §. 3. qui eandem gratiam sub larvâ Jansenismi oppugnan-  
dam susceperunt.

Istiusmodò esse dixi & reipsa existere ostendi in cap. 3. §§. 4. 8. 9. 10. 11. 12.  
13. 14. 15. 16. 17. 18. 19. 20. 21. 22. 23. &c.

1. Qui v. g. asserunt doctrinam Thomistarum de gratia per se efficaci eandem  
esse cum doctrinâ Calvinii & Jansenii, quam per Constitutiones SS. PP. damnatam  
asserunt.

2. Qui unâ ex parte sustinent, Constitutiones illas non esse, nisi interpretatio-  
nem decretorum Conc. Trid. in quibus damnata fuit gratia necessitans; ex aliâ verò  
parte docent, omnem gratiam per se sive intrinsecè efficacem Conc. Trid. eandem  
esse cum gratia necessitante.

3. Qui hoc ipso, quo quispiam fatetur se tueri gratiam per se efficacem, prout  
illa in Scholis Catholicis communiter tradi solet, cum nihilominus Jansenismi, seu  
condemnatiæ ab Ecclesiâ doctrinæ insimulant.

Neque his quod opponeres, R. P. quidquam reperisti.

Manet igitur hæc pars prima scopi mei, quæ erat, ostendere gratiam per se efficacem

sub larva Manichæismi, Calvinismi, & Iansenismi sæpe fuisse oppugnatam, prorsus inconcussa. Ad alteram igitur partem pergimus.

§. II.

Dixeram itaque me ostensurum eandem ( gratiam per se efficacem ) in hunc usque diem stetisse inexpugnabilem.

NEquè hic ullatenus à scopo aberravit dissertatio.

Nam licet traditionem integram haud exhibeat Ecclesiæ Romanæ circa gratiam ( quod nuper vir quispiameruditus haud infeliciter præstitit in libro, cui tit. *tradition de l'Eglise Romaine sur la grace* ) attamen ejusmodi continet argumenta ad probandum gratiam per se efficacem usque ad hæc tempora stetisse inexpugnabilem, ut nullus videam, qui citrà gravem præcipuarum orbis Catholici Academiarum, necnon celeberrimorum Ordinum Religiosorum injuriam contrarium à R. V. sustineri queat.

Ostendi igitur 1. in §. 1. cap. 2. gratiam per se efficacem inexpugnatam esse ex eo, quod SS. PP. Innoc. X. & Alex. VII. declararunt se per suas respectivè constitutiones gratiæ per se efficaci ne vel in minimo velle detractum.

Ostendi 2. in §. 2. ejusdem capitis ex comparatione doctrinæ Orthodoxæ de gratia per se efficaci cum Constitutionibus SS. PP. Innoc. X. & Alex. VII. nihil per illas fuisse præjudicatum DOGMATI GRATIÆ PER SE EFFICACIS.

Ostendi 3. in eodem §. testatum fuisse Clementem IX., relictam à se questionem de gratia eodem in statu, in quo erat tempore Pauli V. jam vero, si existimes R. P. id temporis expugnatam fuisse gratiam per se efficacem, doce nos, si potes, ut quid Societas tua nullum non lapidem moverit, ut decretum circa materiam istam concepturn non ederetur?

Ostendi 4. in §. 11. cap. 3. strictissime à Paulo V. & Urbano VIII. vetitum esse ne quis *sententia affirmanti gratiam per se efficacem*, aliquam *erroris notam inurat*.

Siccine agerent? Siccine loquerentur SS. PP. si gratiam per se efficacem suis respectivè temporibus, vel in Concilio Trid. ( id quod tu quidem, R. P. prætendis ) damnatam atque ita expugnatam credidissent?

Ostendi 5. in conclusione dissert. doctrinam de gratia per se efficaci, à purpuratis Patribus vel in ipsâ urbe à Religiosis Ordinibus PP. Prædicatorum, Augustinianorum Carmelitarum Discalceatorum in suis respectivè comitiis, quâ generalibus, quâ Provincialibus, denique à pluribus aliis Religiosis familiis v. g. Benedictinorum, Cælestinorum, Norbertinorum, etiamnum in hæc tempora commendari.

Ostendi 6. in animadversione 10. eidem doctrinæ non ita pridem subscripisse nonnullos Patres Societatis v. g. P. Agapitum Fuligattum in Theſibus anno 1674. in Collegio Romano Societatis Jesu defensis, & P. Claudium Typhanium Rectoris & Provincialis munere aliquando functum.

Ostendi demum in §. 7. cap. 3. fuisse nuper in Schola Societatis Lovan. qui profiterentur *centies se audivisse Jesuitas Professores palam agnoscere*, *sententiam Thomistarum de gratia per se efficaci... defendi posse*; item gratiam illam immunem esse ab omni censura.

Horum tu quidem ( uti nosti R. P. ) nihil infirmasti. Et adhuc sustinebis me scopum, qui pro parte fuit ostendere dogma gratiæ per se efficaciæ hæcenus stetisse inexpugnabile, minimè attingisse?

Credi-



Crediderint hoc, qui voluerint; non credent Scholæ omnes Orthodoxæ, quæ hodie-  
dum dogma istud profitentur, illudque tamquam *manifestam S. Augustini, vel evi-*  
*denter Augustinianam sententiam*, vel denique uti claram & inconcussam SS. Aug.  
& Thomæ doctrinam publicis in scriptis deprædicant.

Videndum modo, num verius dixeris in titulo art. tui 2.

### §. 12.

*Eximius congerit quadam invidiosa, non tam ad propositum facientia, quam ad  
diffidia commovenda inter Illustrem PP. Dominicanorum familiam, &  
minimam Societatem nostram.*

**D**UO probanda tibi hic sumis R. P. quorum neutrum probas.

Akerum est, quod ea, quæ in Dissertationis meæ cap. 3. profero ad propo-  
situm meum non faciant.

Alterum, quod faciant ad commovenda inter PP. Dominicanos & PP. Societatis  
diffidia.

Ut de priori te convincam, Mi Pater; unâ & propositum meum hoc in capite,  
& ea, quæ ad illius confirmationem à me dicta sunt, obiter expendamus.

Et primum quidem, cum juxta scopum meum eximere me deberem ab infami  
damnatæ doctrinæ notâ; ad propositum meum faciebat quam maximè ea refellere,  
per quæ (licet infundatè) notam illam mihi conatus aspergere.

Atqui, ut tu optimè nosti R. P. nihil mihi frequentius objectum à te, quam  
quod, dum quædam in Thesi sustinerem, obstrictum me non esse, utpote fidei do-  
ctrinæque integræ, ad tuum, hominis utique privati, nutum, publicè hanc pro-  
fessionem emittere: *damno quinque famosas propositiones in sensu ab Authore intento*,  
hanc inter cæteras addiderim rationem, videlicet quia periculum subesse prædixe-  
ram, ne vel tu, vel sociorum tuorum quispiam inferret hinc aliquando: me pro-  
priam damnasæ doctrinam de gratiâ per se, efficaci, id est, talem gratiam, qualis  
vel in Scholâ Lovaniensi vel in Thomisticâ docetur.

En hic igitur tibi propositum, quod in cap. 3. firmandum mihi erat. Superest  
dispiciendum, an nihil (uti tu quidem prætendis) ad illud faciant, quæ in capite  
illo dicta sunt.

### §. 13.

*Obiter referuntur, qua in prioribus capitulis istius §§. dicta sunt.*

**I**N §. 1. varios adduxi DD. Catholicos, qui prædixerint, aut timuerint, fore ut  
nonnulli ex constitutionibus Innoc. X & Alex. VII. præter ipsorum mentem  
intellectis, inferrent aliquando, gratiam per se efficacem ab iisdem SS. PP. dam-  
natam esse.

Theologi à me citati, sunt PP. Salmanticenses, Nicolaus de Pavillon Episcopus  
Alectensis, & Gonerus, quorum posterior manifestè testatur non aliò suo quidem  
tempore quorundam consilia tendere, quam ut *palam asseratur solam in Iansenio gra-*  
*tiam per se efficacem damnatam esse.*

Ostendi in §§. 3. & 4. reipia extitisse tum inter A catholicos, tum inter Catho-  
licos, quæ his Constitutionibus, præter mentem SS. PP. intellectis, intulerint  
gratiam per se efficacem damnatam esse.

.. Nomina vimus hos supra: videlicet in §. 2.

Denique

Denique ostendi in §§. 8. 9. ac pluribus subsequentibus , idque pluribus præsertim rationibus ; periculum subesse haud infundatum , ne à Scholâ Societatis modernâ inferat aliquando nonnullus gratiam per se efficacem ab Innoc. X. & Alex. VII. damnatam esse.

§. 14.

*Referuntur summarie aliqua ex his rationibus.*

**P**rima est , quod in Thesibus Societatis afferatur aliquando

1. Gratiam per se efficacem , & gratiam necessitantem esse Synonyma.

2. Canonem quartum Sess. 6. Concilii Trid. *Si quis dixerit liberum arbitrium à Deo motum & excitatum non posse dissentire si velit &c. anathema sit* explicari ab illis non posse , qui statuunt gratiam intrinsecè efficacem.

3. PP. Tridentinos non tantum non fuisse gratiæ per se efficaci , sed adversatos fuisse.

Ex quibus inferebam , quod , cum eadem gratia in Constitutionibus Innoc. X. & Alex. VII. damnata sit juxta PP. Societatis , quæ damnata fuerat in Conc. Trid. merito à Theologis Orthodoxis timeretur , ne quispiam aliquando è Societate ex Constitutionibus illis , præter mentem SS. PP. intellectis , inferret , gratiam per se efficacem damnatam esse , utpote quæ ipsis eadem est cum gratia necessitante , & cui dissentire liberum arbitrium non possit in sensu composito , id quod à Patribus Tridentinis definitum ipsi existimant.

Secunda ratio hæc est ; quod nempe in scholis Societatis , istiusmodi propugnentur sententiæ , ex quibus sequatur necessario gratiam per se efficacem censuræ obnoxiam esse ; v. gr. dum sustinent ad merendum admitti gratiam aliam non posse , præter eam , quæ talem admittat potestatem , cum quâ actualis consensus & dissensus componi potest.

Rationem tertiam in §. 11. desumpsi ex querelis frequentibus defensorum gratiæ per se efficaciæ v. gr. PP. Dominicanorum , Carmelitarum , &c. quibus sub larvâ Calvinismi aut Jansenismi , à Professoribus Societatis , doctrinæ Scholarum suarum detrahi conqueruntur.

Quartam rationem ex eo mutuavi , quod in Schola Societatis alia quædam Scholæ Thomisticæ dogmata , communiter recepta , v. g. dogma de gratia ipsorum sufficienti , non vertantur aliqui damnatis per Innoc. X. & Alex. VII. dogmatibus accensere.

Quinta timendi ratio hæc est : quod pergant Patres Societatis Doctores Orthodoxos damnatæ in materia de gratiâ per se efficaci doctrinæ insimulare , quos constat in omnibus circa eandem doctrinam cum Scholis apprime Catholicis convenire.

Adi ergo nunc R. P. animo à præjudiciis vacuo §§. 8. 9. &c. fateberisque nihil ad propositum meum illis dici potuisse accommodatus , quibus isthæc ostendi periculum subesse haud infundatum , ne quispiam è modernâ Societatis Scholâ , inferat aliquando ex Constitutionibus Innoc. X. & Alex. VII. præter mentem ipsorum intellectis , gratiam per se efficacem damnatam esse ; jam vero aliud mihi propositum istis in §§. non fuit.

*Vere-nè dixeris R. P. ea, quæ in §§. jam allegatis à me dicta sunt, ad commovenda inter PP. Societatis & Dominicanos dissidia facere ?*

**R**espondeo nullatenus. Cum enim in §§. illis nihil ostendatur, quam Patres Societatis docere gratiam gratiæ Patrum Dominicanorum è diametro oppositam, sequitur nulla istis in §§. dissidia inter Patres prædictos excitari, sed ad summum ostendi, eadem modò circà gratiam dissidia inter ipsos vigere, quæ ab annis jam verè centum exorta fuère.

Cæterùm si hinc ansam aliquam sumant PP. Dominicani, diligentius nonnihil scrutandi imposterum Theses Patrum Societatis, & doctrinam Scholæ suæ circà gratiam per se efficacem strenuè defendendi, dum illam conspiciunt in me, aliisque DD. Orthodoxis sub larvâ Calvinismi, aut Jansenismi, iniquissimè à PP. Societatis impugnari, non id tam mihi, sententias ipsorum gratiæ isti adversas simpliciter referenti, quam sibi ipsis impurent Patres Societatis, utpotè qui hanc à me Dissertationem poenè invito extorserint.

*Perperam-nè R. Patrem iis annueràrim, qui gratiam per se efficacem sub larvâ Calvinismi impugnant ?*

**R**esp. minimè. Evinco id triplici hoc ratiocinio:

Quicumque asserit gratiam per se efficacem eandem esse cum gratiâ necessitante, impugnât gratiam per se efficacem sub Larvâ Calvinismi.

Atqui tu, R. P. eandem esse asseris in Thesi tuâ de 17. Julii 1688. gratiam per se efficacem cum gratiâ necessitante;

Ergo oppugnas gratiam per se efficacem sub Larvâ Calvinismi.

En tibi ratiocinium alterum.

Quisquis illorum doctrinam impugnât uti Calvinianam, qui gratiam per se efficacem defendunt, traduntque iisdem terminis, modo, ac sensu, quibus illam docent Scholæ Orthodoxæ v. g. Lovaniensis, & Thomistica, impugnât gratiam per se efficacem sub larvâ Calvinismi.

Atqui hoc tu facis, R. P. quoties gratiam à me, meique similibus, eisdem terminis, modo, ac sensu definiam, ac traditam, quo à Thomistis v. g. aut Lovaniensibus traditur, & tanquam Calvinianam in Thesibus tuis deprædicas.

Ergo gratiam per se efficacem impugnas sub larvâ Calvinismi.

Accipe demum & hoc ratiocinium tertium, mi Pater.

Quicumque docet gratiam per se efficacem non consistere cum Concilio Trid. idque iisdem plane rationibus, ob quas majores sui gratiam illam in Concilio isto uti Calvinianam damnatam prætendebant, is impugnât gratiam per se efficacem sub larvâ Calvinismi.

Atqui id tu facis, R. P. quoties asseris Patres Trid. non tantum non fuisse, sed potius adversatos fuisse.

Item dogma de gratia per se efficaci componi non posse cum Can. 4. Sess. 6. Trid. qui hunc ferè in modum sonat: si quis dixerit liberum arbitrium à Deo motum & excitatum non posse dissentire, si velit, anathema sit.

*Maldè-ne iis accensuerim R. P. qui gratiam per se efficacem impugnant sub larvâ Jansenismi.*

**R** Esp. Nullatenus. Manifestum hoc faciet unicuique hoc argumentum. Quisquis prætendit gratiam per se efficacem non consistere cum libertate ad merendum in hoc statu ab Innoc. X. & Alex. VII. requisita, impugnat gratiam per se efficacem sub larvâ Jansenismi.

Atqui hoc tu prætendis R. P. dum sub gratiâ ad merendum in hoc statu ab Innoc. X. & Alex. VII. requisita talem postulas & non aliam in libero arbitrio potestatem, cum qua *actualis dissensus & consensus componi possit*; id quod tu optime nosti juxta tua principia gratiæ per se efficaci minime convenire.

Ergo, mi Pater, velis nolis, impugnas gratiam per se efficacem sub larvâ Jansenismi.

*Meritò-ne dixerit R. P. in titulo Articuli sui V. Eximius ( me notat ) non responderet, ad ea, in quibus controversia, jam diu inter nos agitata, cardo versatur?*

**R** Esp. Minimè. Ratio est, quia jam à triennio responsum tum à me, tum ab aliis ad præcipuas objectiones à te motas, iisdem rationibus, quibus præscripti gratiæ per se efficaci defensores, Lovanienses v. g. PP. Augustiniani, Dominicani, alique ad ea respondere efficacissimè solent.

### C O N C L U S I O.

**E**X dictis manifestè liquet, R. P. quantum aberraveris à vero, dum in Thesibus tuis de 24<sup>to</sup> Novembris 1692. de me asseruisti sequentia.

1. Quod scopum in dissertatione meâ præfixum non attigerim.
2. Quod ea, quæ ad probandum dissertationis meæ scopum à me allegata sunt, non tam ad propositum meum faciant, quam ad dissidia commovenda inter vos & PP. Dominicanos.
3. Me non præstare Reverentiam ergà Constitutiones Apostolicas, quam promitto.
4. Me propositiones quinque famiosas non damnare juxta constitutiones SS. Pontificum.
5. Denique me ad ea non respondisse, in quibus controversiæ, jam diu inter nos agitatæ, cardo versabatur.

Quod si posthæc omnia R. P. tibi lubeat, doctrinam meam de hæresi suspectam reddere, vel me contra fas nefasque per te ipsum, aut per tuos uti hæreticum debuccinare, spero fore, ut è cordatis, piisque nemo fidem tibi ultrâ adhibeat, vel ut è superioribus quispiam temeritatem vestram pro meritò reprimat, vel postremò si neutrum horum fiat, ut veritas increata Deus meus me contortura sit celesti hoc suo effato: *Beati estis cum maledixerint vobis & persecuti vos fuerint, & dixerint omne malum adversum vos, mentientes propter me. Gaudete & exultate; quoniam merces vestra copiosa est in calis.* Matth. 5. 9. 11. & 12.

Unum priusquam finiam indicandum censui: nimirum animum mihi non esse hisce tecum contentionibus diutius immorari; quandoquidem abundè satistecerim: accedit & hæc ratio, quod cum illis mihi res sit, qui in omni causa, quantumvis infundata, de ultimo responso gloriam querere videntur.

Cæterum, R. P. Oremus pro invicem, ut salvemur; subscribor.

Reverendè admodum Pater

Rev. Adm. Paternitatis tuæ

Humilis Famulus & in eadem Catholica fide

ac Charitate Frater & Compresbyter

MARTINUS DE SWAEN.

### A P P R O B A T I O.

**M**erito notam vel suspensionem hæreseos à se repellit quicumque Doctor Catholicus, quâ aspersus officio suo incumbit sine fructu id non minus solè quam Christianè in hac Epistola præstat Exim. D. ac M. MARTINUS DE SWAEN S. T. in Universitate Lov. Doctor & Collegii Altiollensis ibidem Præses servatis legibus Christianæ charitatis ac moderamine inculpatae tutelæ, quam proprieta publicâ luce dignam judicio Antverpiæ hac 5. Decemb. 1692.

ARN. EYDEN Cath. Antv. Can. Theol. Lib. Censor.